

Aanaar kieldâst almottuvvoje uuccâmnáál čuávvo virgeh já tooimah:

Máttáátteijee virgeh, tuáistáážân 1.8.2021 ráájjist:

1. Luokamáttáátteijee virge (máttáátteijee virge nr 0067), soijimsaijeen palvâlemkoskâvuodâ älgidijn Avveel vyelitääsi škovlâ. Tuáivup uápásmem ohtsâšmáttááttâsân já kiärgusvuodâ muusik máttááttmân. Sämikielâ táidu annoo occei hiättun. Virgeest lii kuudâ mánuppaje keččâlemäigi.
2. Luokamáttáátteijee virge (máttáátteijee virge nr 0068) soijimsaijeen palvâlemkoskâvuodâ älgidijn Avveel vyelitääsi škovlâ. Tuáivup uápásmem ohtsâšmáttááttâsân já pedagoglii digimáttimân. Sämikielâ táidu annoo occei hiättun. Virgeest lii kuudâ mánuppaje keččâlemäigi.
3. Luokamáttáátteijee virge (máttáátteijee virge nr 0070) soijimsaijeen palvâlemkoskâvuodâ älgidijn Avveel vyelitääsi škovlâ. Tuáivup uápásmem ohtsâšmáttááttâsân já kuulmâ portháá torjuu tubdâm sehe kiärgusvuodâ algâmáttááttâsân. Sämikielâ táidu annoo occei hiättun. Virgeest lii kuudâ mánuppaje keččâlemäigi.
4. Luokamáttáátteijee, (máttáátteijee virge nr 0004) kiäst lii tohálâšvuotâ monnii vuáđumáttááttâs puohháid ohtsâžžân máttááttmân amnâsân ađai nk. tubletohálâšvuotâ. Soijimsaijeen palvâlemkoskâvuodâ älgidijn Čevetjäävri škovlâ. Pargo ana sistees maangâi sierâ amnâsij máttááttâs puoh vuáđumáttááttâs luokkataasijn, ienááš 7.-9. luokain. Sämikielâ táidu annoo occei hiättun. Virgeest lii kuudâ mánuppaje keččâlemäigi.
5. Ovdámáttáátteijee virge (virge nr 0054), soijimsaijeen palvâlemkoskâvuodâ älgidijn Avveel vyelitääsi škovlâ. Tuáivup occest pargovyevi, moos kuleh pyreh uáppeehuolâttâs tááiduh já hárjánem maangâámmátlíi oovtâstargoost. Sämikielâ táidu annoo occei hiättun. Virgeest lii kuudâ mánuppaje keččâlemäigi. Škovliittâs, mii occest váttoo, lii luokamáttáátteijee, párnáikârdimáttáátteijee, šoddâdemtiettuu kandidaat tâi sosionom (AMK) tođhos (moos kulâ ovdámáttááttâstohálâšvuotâ). Ovdámáttááttâs adeleijee máttáátteijee tohálâšvuotâ lii oovdânpuohtum asáttâsâst máttááttâstooimâ pargei tohálâšvuotâvátámâšâin (3 Loho, 7 §).
6. Tijmemáttáátteijee, amnâsmáttáátteijee (máttáátteijee virge nr 0105), tavesämikielâlâš amnâsmáttááttâs. Máttááttmân amnâseh láá eenikielâ já kirjálâšvuotâ, tavesämikielâ, tavesämikielâ A2-oppameeri já historjá. Máttááttmân sáttih leđe meid eres vuáđumáttááttâs oppâamnâseh. Máttááttâs olášuttoo uásild ohtsâšluokkamáttááttâsân. Soijimsaijeen lii palvâlemkoskâvuodâ älgidijn Avveel pajetääsi škovlâ. Máttááttâs meid Avveel vyelitääsi škoovlâst. Virgeest lii kuudâ mánuppaje keččâlemäigi.
7. Uđđâsist uuccâmnáál: Amnâsmáttáátteijee, máttáátteijee virge nr 0005, máttááttâsamnâsin eenikielâ já kirjálâšvuotâ nuorttâlâškielâ. Máttááttmân sáttih leđe meid eres vuáđumáttááttâs amnâseh, máttááttâskiellân nuorttâlâškielâ. Soijimsaijeen palvâlemkoskâvuodâ älgidijn lii Čevetjäävri škovlâ. Virgeest lii kuudâ mánuppaje keččâlemäigi.
8. Uđđâsist uuccâmnáál: Tijmemáttáátteijee, máttáátteijee virge nr 0123, amnâsmáttááttâs, máttááttâsamnâsin anarâškielâ A2-oppameeri. Tuáivup tubletohálâš máttáátteijee. Máttááttmân sáttih leđe meid eres vuáđumáttááttâs amnâseh. Máttááttâskiellân anarâškielâ. Soijimsaje Avveel vyelitääsi škovlâ (máttááttâs meid Avveel pajetääsi škoovlâst já máhđulávt luvâttuvâst).

9. Uđđásist uuccâmnáál: Luokamáttáátteijee, máttáátteijee virge nr 0029, máttááttâskielâ anarâškielâ, soijimsaje palvâlemkoskâvuodâ älgidijn Aanaar škovlâ. Máttááttâs olášuttoo ienááš ohtsâšluokkamáttááttâssân. Máttááttâs puáhtá leđe meid paješkoovlâst. Virgeest lii kuudâ mánuppaje keččâlemäigi.
10. Uđđásist uuccâmnáál: Amnâsmáttáátteijee, máttáátteijee virge nr 0112, máttááttâskielâ tavesämikielâ, máttááttâsamnâsin biologia já eennâmtiätu. Máttááttâmnáál sätth leđe meid eres vuáđumáttááttâs oppâamnâseh. Soijimsaijeen palvâlemkoskâvuodâ älgidijn lii Aanaar škovlâ. Virgeest lii kuudâ mánuppaje keččâlemäigi.

Máttáátteijee virgeh, meriááigán

1. Sierânâsluokamáttáátteijee virge (máttáátteijee virge nr 0085) ááigán 12.8.2021-16.2.2022 soijimsaijeen palvâlemkoskâvuodâ älgidijn Avveel vyelitääsi škovlâ. Virgeest lii kyevti mánuppaje keččâlemäigi.
2. Uđđásist uuccâmnáál: Luokamáttáátteijee, ovdâ- já algámáttááttâs (ááigán 1.8.2021-31.7.2022), máttááttâskielâ anarâškielâ, soijimsaje Aanaar škovlâ. Máttááttâs puáhtá leđe meid paješkoovlâst. Virgeest lii neelji mánuppaje keččâlemäigi.
3. Uđđásist uuccâmnáál: Luokamáttáátteijee (ááigán 1.8.2021-31.7.2022), máttááttâskielâ anarâškielâ, soijimsaje Aanaar škovlâ. Máttááttâs olášuttoo ienááš ohtsâšluokkamáttááttâssân. Máttááttâs puáhtá leđe meid paješkoovlâst. Virgeest lii neelji mánuppaje keččâlemäigi.

Tohálâšvuotâvátámâšah máttáátteijee virgijd láá asáttâs (986/1998) miäldásiih.

Pälkki meriduvvoo kieldâlii máttááttâspargovievâ virge- já pargoiähtusopâmuš miel. Toos lasseen kieldâ máksá tääl fastâ virgehaldâšeiheid 3% Aanaar-lase.

Viirgijn, main máttááttâskiellân lii anarâš-, nuorttâlâš- tai tavesämikielâ, tohálâšvuotâvátámâššân lii lasseen ton sämikielâ táidü. Talle annoo hiättun, jis occest lii oovdânpyehtid miinii vyelni orroo kielâtááidü čäittee uápuin tai kielâtááidü čäittee tuodâštusân:

- oppâm válduamnâsin sämikielâ (tođhostuodâštus uápuin)
- čodâldittâm sierâ 60 oč vijđásijd uápuid sämikielâst (vuáđu- já amnâsuápuh)
- oppâm sämikielâ luvâttuvâst eenikiellân já čáállám tom pajeuáppeiskosijn já finnim árvusäännin ucemustáá cum laude approbatur (tuodâštusah)
- oppâm sämikielâ vieres kiellân vuáđumáttááttâsâst já/tai luvâttuvâst já oomâst kielâtotkos alemuu árvusääni västideijee tiäđuid já tááiduid (sierâ čiälkkámuš ollâopâttuvâst, ollâškoovlâst tai eres lyetittettee peeleeest)
- sárnu sämikielâ eenikiellân já oomâst kelijdeijee sämikielâ kirjálii tááidü (sierâ čiälkkámuš ollâopâttuvâst, ollâškoovlâst tai eres lyetittettee peeleeest)

Škovlâjotteemstivrejejee tooimah, meriáágán 9.8.2021 – 10.6.2022

1. Uđđásist uuccâmnáál: Škovlâjotteemstivrejejee, vátámâššân anarâškielâ táidū. Soijimsaje palvâlemkoskâvuodâ älgidijn Aanaar škovlâ. Pargo ana sistees sehe škovlâjotteemstivrejejee já eehidpeivistivrejejee pargoid. Pargokoskâvuodâst lii neelji mánuppaje keččâlemäigi.
2. Škovlâjotteemstivrejejee, sâmi kiela táidū annoo hiättun. Soijimsaijeen palvâlemkoskâvuodâ älgidijn lii Aanaar škovlâ. Pargo ana sistees sehe škovlâjotteemstivrejejee já eehidpeivistivrejejee pargoid. Pargokoskâvuodâst lii neelji mánuppaje keččâlemäigi.
3. Škovlâjotteemstivrejejee, soijimsaijeen Avveel pajetääsi škovlâ, mast porgâm tábáhtuvá sierânâsluokkamáttáttâst. Tiäddu lii persovnlíi stivriimist, pargo lii fyysilávt váttee. Pargokoskâvuodâst lii neelji mánuppaje keččâlemäigi. Sâmi kiela táidū annoo occei hiättun.
4. Škovlâjotteemstivrejejee, soijimsaijeen Avveel pajetääsi škovlâ, mast porgâm tábáhtuvá ienááš sierânâsluokkamáttáttâst. Pargo lii motomin fyysilávt váttee. Pargokoskâvuodâst lii neelji mánuppaje keččâlemäigi. Sâmi kiela táidū annoo occei hiättun.
5. Škovlâjotteemstivrejejee, soijimsaijeen palvâlemkoskâvuodâ älgidijn lii Čevetjäävri škovlâ. Pargo ana sistees sehe škovlâjotteemstivrejejee já eehidpeivistivrejejee pargoid. Tuáivup occest perustum meid kiddodâhhuolâttâs pargoi hoittáámân. Pargokoskâvuodâst lii neelji mánuppaje keččâlemäigi. Sâmi kiela táidū annoo occei hiättun.

Tohálâšvuotâvátámâššân škovlâjotteemstivrejejee pargoid lii paargon hiäivuláš áámmátláš vuáđutođhos tâi oovdeb škovlâtääsi áámmátláš tođhos tâi áámmáttođhos tâi sierânâsáámmáttođhos. Kuulmâ portháá torjuu tubdâm annoo occei hiättun. Pálkki meriduvoo kieldálii virge- já pargoiähtusopâmuš miel.

Šledgâliih ucâmušah virgijd já toimáid, moid kalga lahteđ tohálâšvuodâ čäittee tuodâštusâid já nommâkirjevâldus tâi ánsuluvâttállâm, toimâttuvvojeh čujottâssáin <http://www.kuntarekry.fi/>.
Ucâmušah kalgeh leđe vyerkkejum vuáhádâhân vâstuppeeivi 16.4.2021 tijme 15.00 räi.

Viirgân tâi tooimân väljejum kalga toimâttiđ škoovlâ rehtorân tiervâsvuotâtuodâštus sehe laavâ (504/2002) miäldásii rikosregistervâldus majemustáá 30 peeivi keččin valjimmierádâs tiättunfinniimist.

Tiäđuštálmeh:

- Avveel vyelitääsi škoovlâ rehtor Pirkko Olli, puh. 0400 243 721
- Aanaar škoovlâ rehtor Marja Seilonen, puh. 0400 232 662
- Čevetjäävri škoovlâ rehtor Johanna Nieminen, puh. 040 154 7220
- Avveel pajetääsi škoovlâ rehtor já Avveel luvâttuv rehtor, Ulla Hynönen, puh. 040 561 1357
- Čuovviittâshovdâ Ilkka Korhonen, puh. 0400 131 231

Avelist 31.3.2021

Ilkka Korhonen

